

Uunga siunnersuut: Silaannakkut angallanneq pillugu inatsimmut aamma silaannakkut angallatinut pisinnaatitaaffinnik nalunaarsuisarneq pillugu Inatsimmut allannguutissatut inatsit assigiinngitsut Kalaallit Nunaannut atuuttussanngortinneqarnissaat pillugu kunngikkormiut peqqussutaannut Namminersorlutik Oqartussat oqaaseqaatissaat pillugu Inatsisartut aalajangiiffigisassa

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

Saqqummiussineq

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

Siullermeerneqarnera

Nuannaarutigeqalugu Naalakkersuisut sinnerlugit aalajangiiffigisassatut siunnersuut manna saqqummiuppara. Siunnersuut silaannakkut angallanneq pillugu danskit inatsisaanni aamma silaannakkut angallatinut pisinnaatitaaffinnik nalunaarsuisarneq pillugu inatsimmut arlalinnik allannguinnernut, kiisalu dronit atorlugit timmisartornermut sinaakutissatut inatsimmut tunngasuvoq.

Siunnersuuteqarnermi inatsit atuuttoq nutarterlugu inatsisip naleqqunnerulernissaa naapertuunnerulernissaalu siunertarineqarpoq.

Ukiuni kingullerni silaannakkut angallanneq pillugu danskit inatsisaanni arlalinnik allannguisoqarsimavoq, kingullermik Savalimmiuni atuutsinneqalersunik, taakkulu Kalaallit Nunaanni silaannakkut angallannermi inatsisinik naapertuuttunik, nutaaliaasunik minnerunngitsumillu naleqquttunik peqalertitsisinnaapput.

Allannguinnermi pingaartumik allannguutit annikitsut arlallit, immikkoortortami ingerlatsinnermut sunniteqarluartussat aqutigalugit silaannakkut angallannermut inatsit pitsannguiffigineqassaaq. Allannguinnerit isumannaallisaanermut tamarmiusumut attuumassuteqarput, mittarfinni isumannaallisaanermut, soorlu mittarfinnut mikisunut napparsimmavissuarnullu mikkiartornermi isumannaallisaanermut tunngasuullutik, maannamut pisortat mittarfeqarfii kisimik isumannaallisaavigineqartaraluartut. Tamatuma saniatigut taarsiinissamut akisussaaffeqarnek naapertorlugu kiisalu Ajunaarnernut Ataatsimiititaliarsuup suliassaqarfiinut annikitsunik iluarsisoqarpoq, taakkulu maanna Angallannermut Sanaartornermullu Aqutsisoqarfimmit pisariillisarneqarput tapersorsorneqarlutillu. Silaannakkut angallatinut pisinnaatitaaffinnik nalunaarsuisarneq pillugu pitsaanerusumik nakkutilliisoqalissaaq, aammalu timmisartuusseqati-

giiffiit mittarfeqarfiillu ajornartoortoqartillugu upalungaarsimasunik atugassiinissamut pisus-saaffeqalissapput.

Angallannermut Sanaartornermullu Aqutsisoqarfimmut silaannakkut angallannermut akitsuu-tit ukiumoortut atorunnaassapput, tassungalu taarsiullugu isumannaallisaanermut tapeq nutaaq aammalu Angallannermut Sanaartornermullu Aqutsisoqarfiup inuinnarnik silaannakkut angal-lassinermik ingerlaavartumik nakkutilliineranut akiliisarnermut najoqqutassaq naleqqunnerusoq atuutsinneqalissaaq. Nakkutilliineq siunissami isumannaallisaanermut tapeq 5,50 korusuusooq, timmisartuusseqatigiiffinni ilaasunut, kalaallit mittarfiinit aallartunut tama-nut akilersinneqartartoq aqputigalugu aningaasalersorneqassaaq. Aaqqissuussineq taanna Danmarkimi Savalimmiunilu atuutsinneqarpoq, naliliinerlu malillugu aningaasaqarneq allaf-fissornerlu eqqarsaatigalugit aaqqissuussineq taanna naleqqunnerpaavoq. Tassalu allanngu-tissatut siunnersuutitut allanut, pingaarnertut silaannakkut angallassinermut inatsimmut pit-sannguutaasussanut naleqquttuavoq, kiisalu Naalagaaffeqatigiinnermi inatsisinik assigiilersit-silluni. Isumannaallisaanermut tapeq Mittarfeqarfinnit sullissisunillu akilerneqartassaaq, taa-maattumillu bilitsit akiinut ilaasunullu sunniuteqartussaangillat.

Pingaartumik suliassaqarfimmit inatsisit allannguutissat, Kalaallit Nunaanni silaannakkut a-ngallassinermi isumannaallisaanermut pingaarutilittut inissittussat tapersernejarnerat nuan-naarutigisorujussuara.

Droninut sinaakkutissatut inatsisip atuutilernerani siunissami ineriartortitsinissamut inatsisiti-gut tunngavissiiinissaq qulakkeerneqarpoq, tassanilu innuttaasut suliffeqarfiillu teknologiip ne-qeroorutigisaani periarfissanik atuinerat annertunerujartortussaavoq. Pingaartumik sanaartor-nermi dronit annertuumik atugaalernissaat ilimanaateqarpoq, kisiannili aamma teknologii taanna immikkoortuni allani aamma ilisimasassarsiorfigineqarpoq.

Aamma ineriartornerup ilutigisaanik timmisartut inuillu isumannaassusaannut, inuinnaat eq-qissisimanissaannut ajortumeeriniannullu akiuiniarnermut tunngatillugu isumaliutissat arlaqar-put. Isumaliutissat taakku, dronit pillugit inatsisip atuutsinneqarnerani eqqarsaatigineqalersut pingaaruteqarput.

Taamatut oqaaseqarlunga Naalakkersuisut sinnerlugit immikkoortoq Inatsisartuni suliassan-ngorlugu tunniuppara.